

公安縣志

卷之二

地250.145

381

223

地250.142



223
1306

登錄號	A133:2
日期	34. 8. 25
冊數	2冊
價	

公安縣志卷之二

營建志

舊志建置沿革合為一門今析為二而以建置改為營建



天下之勢莫不有其漸患生於無形當思所以銷弭之患成於有象當思所以振作之邑城苦於水屢議遷願以費宏工巨未果庚午癸酉水益汜移於唐家岡新城庶事草創然自城郭官廨各廟壇外以及書院考棚次第興修列而書之視當日孫劉之所經營孟公珙解公潛之所措置及張公大韶之所以遷移今昔一轍焉可以觀世變矣

城池

公安縣志

卷之二

營建

城池

沙市新新代印

王公設險以守其國由來久矣顧值物力凋殘而為金城湯池之固鮮有能濟之者新治畚築方興規制略具若曰崇墉厚堞巋然於大陂廣野中須俟之民物阜蕃而後可

城周圍五百五十八丈計三里零一分同治十二年冬奉委吳公葆儀同承嗣會勘唐家岡地形綿亘秀麗當即按方定址估定用土築城東為朝陽門西為寶成門南為文星門北為迎恩門磚砌如式

新城記

自古城邑之建必按地圖審高卑規畫經營為民社久

遠計非徒侈一邑之形勝示四方所歸往也顧時勢變
移值萬不獲已之日而猶爲息事安人之說則因循適
足以誤大事公安於荆郡七邑中最窪下爲鍾水區而
亦未嘗無岡阜千百年來凡四易居由孱陵街而二聖
洲而油河口而祝家岡皆以水之故自治祝家岡後富
庶者又百七十年矣道光辛卯歲始復齧於江濤迄今
四十有四年蕩滴日甚堤防罔功予以同治壬申冬承
乏於此次年夏六月松滋堤決奔流入境沛然莫禦城
遂潰予破屋而出乘扁舟周視人民騎脊乘椽哀慘不
可言狀因設法濟渡並請賑焉撫綏多方流亡者辛罕

顧以城圯署毀頻年補葺勞費無已乃建徙築之議相
地於舊治之東南鄉曰唐家岡廣袤二十餘里據一邑
之脊帶以沱水屏以黃山遠而常澧咽喉近而荆湖鎖
鑰高顯沃衍數百世之利也 上臺躡之下民趨之凡
借撥帑金貳萬緡士庶捐貲萬餘緡經歲而畢周三里
有奇祠廟官舍試院倉庫咸具張太岳曰不暫費者不
終省不一勞者不久逸此自然之理也嗟乎救荒之政
有先後而無輕重出治之區既定矣受治之地當若何
禦災捍患俾昏墊之民復得安居粒食吾方亟圖之而
未竟其緒也是役也始議雖自予創而贊成襄助實藉

衆力維時估工定基則鹽運使銜湖北候補知府吳葆儀督理工程則湖北候補典史丁文熙

文廟監修則教諭王慰訓導李國賓稽查彈壓則典史王桂榮把總曾芳貴承修紳首則舉人李洪己鄒毓楨候選訓導易秉璋候選藩經歷附貢劉承遇候選訓導杜宜詩戴高候選州同附貢鄒詡中千總武生司馬長青司馬焜附貢雷洪勳生員謝夢巖附貢饒藝圃千總武生雷業一廩生邱昌淮生員田家炳王樸章德霖貢生袁時曜袁勤瑜監生葛元裕郭光譜堪輿則監生袁光暉從九雷祖耀儒士李才柱予不敢沒人之勞攘爲己

功爰將在事諸君列名於策俾後之覽者咸知予志之所存

同治甲戌五月既望權知縣事邗江周承弼識

附舊城紀略

邑之變遷屢矣攷舊治東北三穴鋪桑檀鋪之間有孱

陵街並城

孱陵俗謂爲柴陵即吳呂蒙城

漢以來縣治因之後遷二聖洲

洲在江之北

及洲地崩又遷江南岸之油江口

地名初未有城

明正德五年知縣周鉞築土爲之尋圯嘉靖五年知縣周臣甃以磚石周圍二里有奇四門建樓濱江衝決及崇禎元年戊辰城內外火竟晝夜男女煨燼七百餘口

待御毛羽健奏請遷城已改築椒園七年甲戌錦衣衛
鄒之有改遷祝家岡知縣張公大韶築城十三年趙公
繼鼎重修十六年燬於賊

清初順治五年王公百男復建公署於斗湖堤八年又移
居祝家岡袁公傑始立官署城門僅苫覆三楹康熙時
蒞任凡數公節次修理四門建瓦樓令卒居守五十六
年楊公之駢更加修葺東為雲翹門南為金華門西為
瞻豐門北為待詔門周圍計五里三分四門外城河俱
設板橋東門外直街過李生橋沿便河兩岸居民輳集
舳舻亦衆西門外順大道有肆客店城內皆種楊柳雨

中春樹鬪闐如在畫裏近數十年衝決漂沒不堪回首
矣爰將官地廢址備列於左

一城池廢地一圍計長壹千玖百零捌弓內外脚寬壹拾
六弓扣田壹百零壹畝柒分叁釐

議入忠孝節烈一祠歸書院首士經管

一縣署

堰一圍

東抵堰外董陳基朱王堰西抵楊張崔唐

張戴朱王楊徐饒十一姓基南抵唐陳戴三姓基北抵
溝外陳界南至北長壹百貳拾玖弓南橫拾玖弓中橫
伍拾弓北橫叁拾弓扣田壹拾肆畝壹分玖釐左一形
東抵李基南抵街心西抵衙地北連衙堰南橫肆拾弓

北橫拾玖弓長叁拾陸弓扣田叁畝五分肆釐
右一形東抵衙地南抵街心並鋪地西抵陳王唐饒嚴
鄧六姓基北抵衙堰東西各長叁拾壹弓南北各寬肆
拾柒弓扣田肆畝捌分

以上衙地共扣田貳拾貳畝五分叁釐議入

文昌宮

一衙前鋪地東抵劉姓基南抵饒唐基西抵毛基北抵街
心南北各長貳拾弓東西各寬捌弓扣田伍分叁釐
一武營廢地在城西南東抵桑地西抵楊堰南北俱抵桑地
長二十七弓寬十五弓現挖成坑

公安縣志

卷之二

營建 城池

五

沙市新新代印

一養濟院坐北門內南北俱抵公溝東抵陶基西抵劉田南
北長肆拾伍弓東西橫拾捌弓扣田貳畝陸分
一育嬰堂坐城東南隅南北長叁拾貳弓東西寬拾陸弓現
挖成坑

一觀音閣龍神祠坐北關內東抵田西抵堰並田南抵堰北抵溝東
西寬貳拾柒弓南北長伍拾弓扣田四畝伍分

一佑聖宮坐北門內東抵北書院地南抵蕭基西抵塋荒北
抵溝東西長叁拾貳弓南北寬玖弓扣田玖分陸釐

一三元宮坐東門外東抵河心南抵街心西抵萬基北抵湖
東西長貳拾叁弓南北橫貳拾貳弓扣田壹畝陸分八

釐 廟前河一節係陳姓捐

文廟書院考棚賓興及城隍廟廢地議歸各本項下

公安縣志

卷之二

營建

城池

六

沙市新新代印

官署

聚集道德謂之府部署政事謂之署所以肅體統重官箴也新城官署悉仿舊制然地處爽塏內外完葺煥然一新規模較宏遠矣居之者仰名宦而思政慨風俗而思變觀利病而思興革琴堂鶴署地以人尊宜何如整飭也是所望於後之吏斯土者

大堂一重三間左爲庫房右爲錢糧櫃兩廊下各起科房五間東爲吏戶禮倉稅承發各科西爲兵刑工糧戶南各科中爲甬道立戒石碑前爲儀門左右角門外四班房各一間左爲衙神祠右爲東房班房西爲遞解房

爲捕卡爲羈所頭門外兩旁入字牆正面照牆一道東西柵闌各立木柵一座大堂後爲宅門進加官門直接二堂三間中爲維新堂左爲簽押右爲帳房兩廊爲東西門房由二堂東首轉入爲大花廳四間花廳後爲幕友房兩進由二堂西首轉入爲倉神祠前爲西花廳後爲大廚房二堂後爲三堂再進爲四堂自前入字牆起統作圍牆一道

附 畢督部通飭州縣碑記

乾隆五十七年

照得地方官僉差出票不得不用衙役而若輩中忠厚愿謹者少狡猾貪黠者多大都以硃票爲奇貨以詐賄

爲生涯一票承行不論案情輕重事主貧富務欲飽其
慾壑一案入手已將本官前程本戶身家不啻視同秦
越戶婚田土說成駭地驚天桎梏銀鐺逼到水窮山盡
鄉愚飲泣雞犬不寧或因花戶憚於見官或因被告素
來畏事或窺其家尙溫飽或案外巧以株連白役成羣
乘軒坐馬其狀同於羅刹其惡甚於虎狼而其所以敢
出此者祇緣城狐社鼠心有憑藉官旣以爲爪牙勢遂
同於夥伴因而潑天膽大兇燄侈張幸而索詐無事固
得安嚼民膏卽成逼斃無辜又有本官曲庇蓋官已受
其挾制祇得代爲包荒且謂小民可虐上司可欺而惡

役必不可不護豈知天道昭彰人心忿激或被上司察
出或被受害者告發或激成毆官毆差重案役固不保
官亦何在乎何若平時嚴加駕馭慎重出差革除白役
旣可免約束不嚴之咎一有違犯先自通詳並可免失
察之愆而猾役奸胥知官不庇護失其負隅之勢必斂
飛箠之威如此則民間不受荼毒而功名亦得保全視
彼以護役爲能終歸瓦裂者智愚奚啻霄壤耶本部堂
披閱案牘見衙役詐贓逼命之案始於本官釀成終於
本官受害者不一而足合亟剴切通飭以覺昏迷備札
行司即便通行所屬各自警醒悉心體認並責成該府

州縣將本部堂指陳利害之處與所屬州縣佐雜等動色相戒俾知痛懲衙役不令擾民約束既嚴犯案自少是不但爲民實以爲己何苦以辛苦得來之官職甘心付之蠹役之手卽幸而獲免亦流殃後世若經此番痛切提撕之後尙不幡然覺悟則登彈章干法罔紀亦其自取爾矣本部堂一片婆心不謂言之不切也凜之慎之仍將如何遵奉嚴行約束之後由該州縣各自切實稟覆並將此刊碑豎立該州縣大堂載入縣志以期觸目警心

典史司

在縣署西

營防

在縣署西北

公安縣志

卷之二

營建

官署

九

沙市新新代印

教諭訓導署

兄學校

驛丞

在孱陵驛

養濟院

在舊城什門內經費詳出賦今移新城道光年間荆州知府裕公謙捐銀壹千兩逐年生息飭戶書按月散給使無告實受其惠

壇廟 祠宇附

山川土穀之神有功德於民者祀之故壇壝兆於四郊
榮禴行於六沴秩祀之重有舉無廢而歷來大名垂於
宇宙及大業光於地方者例得建祠致祭與正祀等焉
因以附書

社稷壇 在北門外 每歲春秋仲月上戊日出主於壇而

祭之 壇不用屋其制與風雲壇同從北門入置石主長二尺五寸方二尺埋於壇之南正中略露圓尖外別為木主高一尺二寸朱底青

字左社右稷並南向風雲雷雨壇制崇一丈五尺繚以垣四陞四門從南門入木主高一尺二寸

風雲雷雨山川壇 每歲春秋仲月與社稷壇同日致祭設城隍神合祭

城隍稱某州縣城隍之神居右 按漢唐宋風雷雨皆各壇以祭未嘗合而

公安縣志

卷之二

營建 壇廟

十一

沙市新新代印

為一亦未及雲明洪武三年詔風雲雷雨合為一壇六
年詔合祭風雲雷雨山川之神尋又合城隍祭於壇陸
稼書曰城隍既壇祀之矣而又有廟春秋二祭則於壇
朔望行香則於廟亦於彼於此之意歟

先農壇 在東門外 祭以每歲仲春亥日

常雩壇 每歲孟夏龍見擇日於風雲雷雨壇內致祭以迎時雨

厲壇 在北門外 每歲清明日七月望十月朔請城隍之神
出主其祭榜無祀鬼神分祀之按厲壇之設子產所謂
鬼有所歸乃不為厲也會典所載祭文備極鬼神之情
狀今悉遵用

文廟

崇聖祠

並詳學校

武廟

在營防右

順治元年定期每年五月十三日行祭

九年

勅封忠義神武關聖大帝雍正三年

勅封帝三代公爵造神牌供奉後殿五月致祭外定於春秋

二仲月擇日致祭屆期先祭後殿後祭正殿咸豐四年

奉

特旨升入中祀每歲春秋仲月及五月十三日致祭

後殿中奉

公安縣志

卷之二

營建

壇廟

十一

沙市新新代印

曾祖光昭公

正中南向

祖裕昌公

東一室南向

父成忠公

西一室南向

夫人九靈懿德武肅英皇后

長子平竭忠王

次子興顯忠王

部將周倉忠勇公

兩旁從祀

關平

楊

儀

荊州刺史

周倉

馬

良

荊州參軍

新增

關興

張苞

王甫

張嵩

華它

趙累

武廟田 阡堤一形叁拾陸畝坐落董家車台

椒園拾畝祀

舊城廢地東抵城脚南抵公堰西抵東嶽宮基北抵公

堰南北橫各貳拾陸弓東西長各肆拾柒弓扣田四畝

老關廟地生員杜成垣捐三仙宮坐城內西南東抵公溝心南抵公堰

西抵唐基北抵公溝南北長貳拾陸弓東西橫拾柒弓

公安縣志

卷之二

營建

壇廟

十二

沙市新新代印

扣田壹畝肆分柒釐

文昌宮

在學宮東

嘉慶六年奉

特旨升入中祀每歲春祭祭期用二月初三日

聖誕秋祭祭期以欽天監選定吉期同治四年奉

旨續增一祭 祠舊有響石一面相傳先朝自水中浮出邑

人製作石磬懸於廟中叩之其音清越響啞蓋數百年

物也咸豐時為有力者奪去邑人士爭之乃還祠田阡

堤徐家台一形玖畝叁分南門外田一形貳石坐落孫

黃驛後康熙時生員袁惇忠捐孝港田一形伍拾玖畝

原係東嶽宮田咸豐年間知縣陳文灼撥入祠內

名宦祠見學校
鄉賢祠

龍神祠 在城東南 乾隆二十四年 禮部議定於春秋仲月

辰日致祭

旗纛神 軍牙六纛霜降日武官致祭

以上俱有祀典銀 詳田賦

火德祠 舊在西門外今移新城舊祠廢地東抵趙基並驛路南抵堰並陳基西北俱抵溝心南北長柒十弓東西寬叁十四弓扣田柒畝九

分

劉猛將軍廟

城隍廟 國初知縣衡戴天建後知縣楚煜重修趙公希階改築殿基門臺高爽前濬為池道光七年知縣關維紀重建同治四年署縣袁

公鳴珂續修今移置新城縣署西南 城隍之神境內廟祀紛紛初非祀典所

公安縣志

卷之二

營建 壇廟

十三

沙市新新代印

宜亦無關市集興廢不載水旱田地二處椒園陸地拾畝長安村黃田湖水陸共計貳拾伍畝康熙四十七年知縣陸守埰捐舊廟廢地 東岳宮在內 東抵 武廟基南抵池外劉堰西抵公溝北抵公堰南北各寬叁拾壹弓東西長各肆拾柒弓扣田肆畝捌分

附祠宇

左公祠 在斗堤舊縣祀昭烈也帝於此有大功德邑因以名祠久圯入江

武侯祠本呂蒙祠在孱陵街邑進士劉珠一日過此題詩云千年面目猶慙爾誰信祠頭有鼓鐘是夜夢蒙長揖而謂曰何相讓之深乎一夕火焚其祠因改為武侯祠

復罹兵燹舊石門柱上有劉珠題聯云漢業鼎興二表
見出師之意蒙城廟食千年愧僭賊之心康熙庚子知
縣楊之駢即其舊址捐建新廟邑諸生龔三捷詩曰赤
棘黃蘆大道旁武侯祠宇久拋荒行人錯認靈光殿枯
木寒鴉噪夕陽祠田四處知縣楊公之駢捐置祠東相
連劉述貞等基地壹畝貳分價銀肆兩祠西相連龍禹
三兄弟陸地壹畝價銀叁兩王魯珍等田肆分並挨身
壕田壹分價銀貳兩俱康熙五十九年買六十年春又
買王文煥陸地貳畝價銀陸兩

庾公祠祀子貞也

子貞南齊驍騎令
庾黔婁也祠久圯

公安縣志

卷之二

營建

祠宇

十四

沙市新新代印

竹林寇公祠

在斗堤舊縣西

即枯竹生筍處公卒於雷州柩

過公安士民感其忠義道旁致祭折竹掛紙錢焚之逾
月枯竹盡生筍衆因爲立廟號竹林寇公祠宋南渡後
孟公珙拓其旁爲書院後又改爲學宮元薛公友諒重

修有記

載藝文

清朝康熙戊戌知縣楊公之駢改遷於北關外大道旁捐
俸建祠顏曰培風書院上下俱三楹人士咸喜載酒賦
詩而落之者甚衆邑諸生龔三捷詩曰七百年來寇相
祠劫灰飛盡震江湄只今煙雨瀟湘色多少行人問舊

碑

元劉坦萊公祠堂記明鄒文盛
請給寇公祀典疏均詳藝文

按祠自楊公改遷後又選於城內道光己酉祠圯復遷於南平書院之西今移置新城書院

三相祠即竹林祠後人益孟珙廉希憲而三之舊在儒學

內

宋書孟珙傳珙字璞玉隨州棗陽人嘉興中以荆湖制帥屯兵公安因蜀士流寓於此建竹林書院以沒入田廬隸之使有所教養理宗

題榜賜焉舊志廉希憲行省荆南公安饑發沙市不入官倉米賑之邑祀於學宮

楚國宮祠祀元阿里海牙也在二聖寺後即故白骨塔寺

舊志阿里海牙奏減田稅邑人祀之久圯入江

鳳公祠

在舊縣南平書院西久圯

周公祠祀兵巡道周應中也

梁公祠祀分守道梁雲龍也

公安縣志

卷之二

營建

祠宇

十五

沙市新新代印

周梁二公明時主修

學宮儒學舊有祠袁宏道有

記

詳藝文

清朝主修

學宮荊州知府魏公勳也

北直柏鄉廕生舊志謂後有修周梁二公祠祀

者魏公當與同享之

鄉市

自軒皇日中為市懋遷有無之風尚矣曹參謂無擾獄市而周禮司市司號司稽賈師胥師惟恐其疎不擾不疎是有道以處此若夫牙儈之濫衡度之欺鄉村無稽遊民習於其中而田蕪不治往往由之近今市廠之弊所冀長民者隨在留心耳

涂郭市

在西辛里舊有縣丞署道光二十年裁舊志載民安市為涂郭巷黃廟子查昔廟子在涂郭巷下二十里

章莊鋪

在白湖里

新店市

在茅穗里

吳達河市

在平樂里

黃金口市

在大光里

段堤增市

一名新廠在大光里小河北

沱孔市

在廖解里

公安縣志

卷之二

營建 鄉市

十六

沙市新新代印

孟家溪市

在長安里舊志即楊湖口誤

鄭公渡市

在長安里

谷昇寺市

韋家廠市

俱在谷昇里

龔家廠市

鄒家廠市

俱在長一里

毛家廠市

在刀環里舊志暮浦河即此

甘家廠市

在特邱里

斗堤市

在市鎮里

界溪橋市

在白湖里公禮交界

申津渡市

在刀環里

章田寺市

在魯陂里

楊家廠市

赴特界

觀音寺市

在西辛里

澹頭市

在西辛里

黃廟子市

在西辛里

李家口市

在茅穗里江公交界

石子灘市

在白湖里新開

東嶽廟市

在白湖里新開

胡家廠市

在赴陂里

大門土地市

在赴波里新開

杉木橋市

在廖解里新開

猴子店市

在魯波里新開

伍家鋪市

在廖解里新開

斑竹墻市

伍家廠市

同新廠市

俱在牛頭里

祝家岡市

即舊城

王家廠市

在東村里

邑市如黃金口段堤墻沱孔楊湖口毛家廠觀音寺
申津渡張家廠新店市章田寺等處道光以前商賈
雲集一市而開數典邇來市多冲廢幸存者不過寥寥
數家或數十家而已撫字之而招來之庶有鳩乎

補錄因水久廢各市

曾家灣市

孫黃市以上俱東村里

柘林潭市

楊湖口市

雙田市

泗水口市以上俱長安里

三穴市大光里

民安市西辛里

范家廠

張家廠以上俱牛頭里

沈家廠廖解里

橫堤市魯陂里

灌洋市

高家墻市以上俱板橋里

郝鄔市

牛浪湖市以上俱谷昇里

黃家市

江伍橋市以上俱刀環里

公安縣志

卷之二

營建 鄉市

十八

沙市新新代印

普化觀江公界

孱陵市

索家市以上俱茅穗里

王家廠一在平樂里一在瓜渚里

熊家店市

楊賽所市

浮金橋市

黃屯橋市

鷺毛巷市

易家橋家

譚家廠

熊家嘴市

津梁

徒杠輿梁王政所重邑之津梁有司諸官者有聽於民者亦仁政之一端也况地當南北之衝水陸交馳為東南咽喉言設險者顧可忽諸

石浦橋

原名杉木橋在斗堤舊縣城內知縣俞雍發石建

鎮安橋

在斗堤東一里明永樂中知縣鮑綸建正統中知縣俞雍用磚石砌萬歷中邑人楊元福重修

蒙城橋

南星橋

俱在市鎮里

石馬橋

近王襄簡先墓有翁仲石馬故名

桑家橋

在赴陂里

銀杏橋

在今二聖寺後

高家橋

在赴陂里

流橋

久廢康熙庚子附近居人募捐修復架木為梁

公安縣志

卷之二

營建 津梁

十九

沙市新新代印

東壁橋

明知縣錢允選濬石浦故道甃石為之當斗堤舊縣學宮之東故名

板橋

袁宗道募作板橋疏十一月廿二月梁車蹄格格以行惟茲紅板軌不得方木糟塊圯水遠道長稽首哲人開箱啓囊無偏

無願來者堂堂題籍伊誰曰東省即厥歲在寅厥律始商

三穴橋

明正統中俞公雍建橋下為七門虎渡江水支流逕此潤星為一邑之最俞公易其額曰太平橋教諭阮禮銘曰影橫星

月臥偃蒼龍七門洞達鉅流莫衝足知其雄偉矣傾圯已久按俞公修三穴橋非止大道通行實因以鎖虎渡分江之水使不得注其漚

解耳橋外止通輕舸貨運沙市至此起則橋斷磴存今磴石烏有江口崩瀾江流取捷徑下洞庭此公安百年後之大患也舊志

馬長港橋

明時發帑金司理王公督建多年倒塌片石無存生員李

氏撫子光成之年久頽廢乾隆丁亥知縣馬公士偉倡議捐修州同鄒毅才起而獨任其事橋長十二丈寬二丈洞高二丈五尺南北立

華表二建利亭於橋北規模宏敞峻瀾壯觀行人稱便馬公題其額曰南平橋書一律以誌之馬長港擁古星橋重整宏規紫氣饒愧

我無詩題玉柱羨他有彩煥金繩春深華表聽鶯唱月滿豐碑看斗標從此緬酋應底定南平嘉兆壯雲霄

黃鐘橋

界溪橋 俱白湖村正統中知縣張元凱建

孝港橋

因謝繼板過此故名亦俞公雍建成化中知縣陳鏞更新之

惟茲孝港之途匪直菴蒼之徑昔者長橋有影五洞勝於千艘今也春漲無情一道化為一界望洋浩嘆如披登樓之梯欲渡無由似失中流之楫徒為躁進不能奮飛撫驢背而長吟興滿灞陵之雪坐磯頭以久候途窮板迹之霜柱棹爭先愁生短景聊陰高喚心急修程雖雞犬之相聞聊胡越之間隔公私病涉乘輿所接者幾何往來興嗟折葦而航者安在設若馮河而溺難同抱石之貞言及於斯心亦何忍爰扣門而告助祈發篋以興工不分中產豪家豈論一錢尺布願如毛義士善學古人無俾遠大夫獨稱君子後因江漲不時竟未修舉

和尚橋

橋甚峻闊洪熙初僧智和建也萬曆間圯方伯龔公同夫人趙氏子鴻臚仲純等修之仍建關帝廟於橋南今人呼曰紫

微橋

永生橋

龔方伯建在大關廟東舊有桑梓頌德碑

公安縣志

卷之二

營建

津梁

二十一

沙市新新代印

馮家壩橋

明萬曆時邑人馮文邦建

野貓壩橋

在祝家岡北

新堤堰橋

湖尾橋

一俞公建一嘉靖中邑人何佑建也今圯俱在瓜渚村

橫溪橋

在刀環里俞公建

積善橋

在西辛里正統中俞公雍建

車公橋

在西辛里晉車允居此明萬曆中邑人楊福建

秀峯橋

在茅穗里明宣德中智和建

高家壩橋

在灌洋洪武初邑人張友直建

浮盆橋

在茅穗里俞雍建相傳橋未成時有僧以盆浮水上渡人因名

趙公橋

在東村里俞公雍建

太陽橋

在東村里近太陽寺

判官橋

在長安村

任公橋

在特邱村

傅家橋

在赴陂村

磚橋

在長安村圯

吳氏橋

在平樂村久圯袁宗道募修吳氏橋小引問如帶流且駛枉梁不飭徒者死舊鬼嗷嗷喚新鬼小人無知君子取橋南橋

北望仁里濟川題柱從此始

白馬橋

在魯陂里嘉靖十四年司徒鄒公致政時建也自為記略曰縣西南六十里有橋曰白馬不知得名之始雖荒村下里實

一大要津也每秋夏之交奔潰漫衍遂為巨浸或奸迴取道亦有徒涉而遭溺者行旅病焉宏治己未葬先封公於橋之南準觀此津渡竊有志焉而力不逮嘉靖戊子乞休疏三上始得請荷蒙聖恩勅給月支歲役歸田幸有餘祿故得遂前所欲為陶甃採石因高度下聯絡豐砌昔為巨壑今則通衢特更其額以侈君恩名曰恩波橋久祀以上舊志

二公橋

一名義公橋今成巨津改用船渡

松柏橋

乾隆二十二年監生易明揚建

廣福橋

以上俱在特邱里

馬驛橋

在斗堤舊縣城內

龔喜橋

在谷昇村久祀設渡

鄭公橋

在谷昇里

李生橋

在東關外便河

謝堰橋

在廖解里廩生牟廷薦增生牟世選通判牟光世全建祀

公安縣志

卷之二

營建 津梁

廿一

沙市新新代印

便河橋

在江陽寺前生員周克勤建

利濟橋

在西家墻生員熊天熾建以上舊志

長生橋

在祝家岡舊縣東關外北久祀碑存

福星橋

在長安里

杉木橋

在長魯二里界一名紗帽橋邑人朱海表領修砌石道光丙戌圯於水易以木同治四年貢生袁時曜重修一在韋家廠

白玉橋

在大光里黃金口

陳祠橋

在大光里壓市口有明時毛娘娘梳粧臺遺蹟

杜息橋

在板半里生員杜添梁建近慈息亭今圯

繩武橋

在道鎮菴東

雙濟橋

在道鎮菴後

道鎮菴橋

積玉橋

章莊舖南以上四橋都司雷鳴運建

喻家橋

以上俱白湖里

會仙橋

在觀音寺前久圯

儒驚橋

監生王裕謨建俱在西辛里

平橋

健陽橋

陰善橋嘉慶時王蔣氏建

雷井口橋監生蘇作春建

大石橋

小石橋

沈家石橋

車家壩橋

二道橋

三道橋

永南橋在

龍王橋在

以上俱在牛頭里

太平橋

衆濟橋

東港橋俱在廖解里

文家橋在赴陂里

粵還橋為接風橋任廣西歸順州知州鄒毅煦樞還過此子按察司經歷敬教建

寶善橋即戴家橋乾隆五十四年監生謝輔元募建子性孝孫龍光不次修復

公安縣志

卷之二

營建 津梁

廿二

沙市新新代印

公義橋俗云田家橋

花萼橋在長安里

五里三橋在斗湖堤南一名通市橋通陷馬河一名汪公橋通新河一名卦命橋通林泗港古橫大路也近河港淤塞形迹全失

侯家石橋

鮑家壩橋明嘉靖中鮑廷濟建

西家壩橋嘉慶丙寅年熊振先捐修石甕售田二年其子瑞九續修

花梨港橋

以上俱在谷昇里

薛家橋

上閘橋

下閘橋

窖口橋俱在茅穗里

三義橋廩生龔承春張志吾曹君奇建

集雲橋在雲翹門外

渡

油河渡 在舊縣斗堤城東即大江渡口

三穴橋渡 上即江廣堤是為油河下五里即黃金口是為西河

港口渡 在新城東一里孫黃諸水與虎渡江合南入洞庭置權關於此監生劉明振置田十餘畝

馬長港渡 舊當驛站之衝渡南有堤東達三穴橋為舊驛路亂後居民掘此堤引湖水南下斷路以自固桂紀均各湖之水俱

南出唐家湖口直達港口渡小民漁利盡失而邑治形勝亦索然矣

蘇家渡 在新城北八里 流口渡 在大光村

芭芒渡 在西辛里 簡家渡 在西辛里

蒿港渡 任瓜畧里即孝港 太歲渡 在平樂里

嚴灘渡 在平樂里 江管渡 在廖解里

柘林渡 即柘林潭在新縣東南六里 雙田渡 在長安村

公安縣志

卷之二

營建 津梁

廿三

沙市新新代印

惠果渡 在特邱里

新渡 在谷昇里

尹家渡 在谷昇里

鄭公渡 在長安里

太陽寺渡 在東村里

王家墻渡 在茅穗里

灞成河渡 在赴陂里

毛么河渡 辛家河渡

蓐浦河渡 俱在刀環里毛萬興避紅巾之難掘洞於蓐浦河邊妻車氏茅氏獲全後子孫繁盛科第綿延明末之亂闖逆據荆毛族

結聚自守數年賊未能犯 清初乙酉丙戌聞虎賊南渡紮營譚家草坪遊騎至刀環鄉人狙焉乃戕其強半屋宇盡毀於是邑無完村矣

黃金口渡 在滋關上二十五里乾隆時龍家鳳建捐田二十餘畝

潘家渡 在沱市上十五里 曾家渡 在沱市上五里

沱孔渡 在港關上五里 朱湖渡 在沱市上

毛公渡 在黃金口上

申津渡 在新縣北四十里

孫黃渡 在祝家岡舊縣南五里即孫黃驛清朝康熙四十四年設

二公橋渡 在特邱里

連子口渡 在長安里

鳳凰山渡 在谷昇里彭和城捐

傅家橋渡 在赴陂里

八步港渡 在長安里淤泥湖以監生蕭知光設子信鑣捐附近田畝

丁家壩渡

窩棚嘴渡 在還金渡下

鮑家壩渡 道光二十二年雷震安捐田二石二斗

還金渡 即廖鬻子還金處也在鮑家壩下見義士

車家嘴渡

魏家嘴渡

仙女廟渡 彭姓捐建

以上俱在谷昇里

公安縣志

卷之二

營建 津梁

廿四

沙市新新代印

慈口渡 在黃金口下杜姓捐田一石五斗

孟家溪渡 在長安里

坊表

自來閣閨之英科名之彥以及達官顯爵事為忠孝所
關者均得請建坊表表厥宅里以示鼓勵風教之意也
邑中坊表年久傾圮不一備錄於策誌

恩榮亦彰奇節也

明

祭酒坊

景泰時為王恂

御史坊

一為成化時李芳一為萬歷時陝嗣宗一為崇禎時毛羽健

太保坊

正德時為于載

尚書坊

正德時為鄒文盛

公安縣志

卷之二

營建

坊表

廿五

沙市新新代印

布政坊

一為正德時何珊一為嘉靖時龔大器一為萬歷時熊膏一為萬歷時蕭毅中

會元坊

萬歷丙戌為袁宗道

太常坊

萬歷時為李守約前明坊表俱在斗堤舊縣今圮

貞節坊

嘉靖時為尚校妻

清朝

進士坊

順治戊戌為高正儀

二進士坊

康熙丁丑為陳文燦馬龍麟

解元坊

一為雍正二年湖廣解元侯執信一為道光丙午年解元鄭崇漢

太史坊

乾隆辛巳為毛業溥

庶常坊

嘉慶丁丑為毛家槐

貞節坊

康熙時為杜光先妻陳氏

節孝坊

雍正六年為季

潔妻李氏

節孝坊

雍正六年為劉文訓妻李氏

貞節坊

乾隆二年為饒商六妻陳氏

貞節坊

乾隆二年為雷日聲妻劉氏

節孝坊

乾隆四年為孫文炳妻李氏

節孝坊

乾隆七年為尚司南妻劉氏
又為尚郢城妻劉氏

節孝坊

乾隆七年為陳家璧妻周氏

節孝坊

乾隆十二年為毛延瑞妻劉氏

節孝坊

乾隆十七年為朱士林妻袁氏

公安縣志

卷之二

營建

坊表

廿六

沙市新新代印

節孝坊

乾隆時為杜志秩妻鄧氏

烈婦坊

乾隆時為鄒敬典妻王氏

節孝坊

乾隆二十九年為陳緯國妻汪氏

節孝坊

嘉慶六年為呂履直妻毛氏

貞女坊

嘉慶十四年為司馬有泰聘室毛貞女

節孝坊

嘉慶九年為朱儒遜妻陳氏

兩世節孝坊

嘉慶時為馬光海妻陳氏
馬盛學妻袁氏

節孝坊

咸豐時為晏明良妻王氏

百歲老人坊

在舊縣北關外里許大道之東地名王
家橋康熙時知縣楊之駢捐置久祀

第宅 書舍亭閣附

賢士大夫甲第雲連日銷月鑠感慨係之舊志彙入古蹟今從省府志另列以見華屋生存芳徽未艾

宋

孟撫莊

在斗堤舊縣

南門外孟珙開闢荆襄時置

久圯

明

斗湖書舍

在斗堤口

王祭酒恂讀書處

西莊草亭亦恂別墅自為記略曰西莊王氏故廬

王襄簡軾宅

在斗湖堤

鄒莊簡文盛宅

在赴陂里

舊志倦還亭

在白蓮莊

莊簡所築距梅

公安縣志

卷之二

營建 第宅

廿七

沙市新新代印

園三里數十頃皆湖種蓮其中五六月時清芬襲人香

聞數里 久廢

龔方伯大器宅

在長安村

舊志梅園有長春臺方伯致政歸老

處

蕭都堂毅中宅

在長安村

舊志兩湖書屋都堂讀書處

空明亭何方伯珊水亭也

在城西北隅

四周皆水又有曬書臺

廢

李太守臺宅

在平樂鄉

杜機園龔侍御仲慶所構

在石浦河東岸

中有光碧堂雲在亭又

壘石為山高數丈因山為洞曰瀟湘下為池飛瀑林端

吳人申少師時行劉侍御鳳皆有詩今佚

小竹林

在平樂村

通守王輅鄉居也先生爲袁中郎師中郎

和王以明山居詩八首錄二首 蠟屐先春試新詩倍

日吟爲花常駐馬有字卽題襟竹老雲辭去廓空月到
深將何伴幽冷水響與柯音細鳥藏窻葉幽花綴靜枝
獵心生翠管冶習露春詩爲髮添塵胃因寒能講期貪
嗔眞可去何事并除癡袁石浦送王以明歸小竹林詩
白纈著破換青衫歸去山齋自在眠醫俗且留千箇竹
買閒先賣一區田攜妻燒笋旋沽酒避客澆花自引泉
怪得新詩奇僻甚苦吟刺骨類枯禪

公安縣志

卷之二

營建 第宅

廿八

汨市新刻代印

荷葉山房

在長安村

袁太史宗道讀書處澗曰松風臺曰清

蔭後有室曰白蘇齋有土阜可眺遠曰幕翠嶺旁爲廊
曰斜月廊自阜而下地勢平坦修竹萬竿構草堂曰淨
綠堂後有澗水常涸少時與諸弟騎羊於此曰騎羊坡
渡澗而北曰荷葉山山中古松千本翠蓋入雲一老栗
中空而前竅可容定僧名之曰枵庵山前有池曰荷葉
池中郎白蘇齋記 詳藝文 太史夏日小齋雜詠最憐山
氣爽徙榻傍窗紗徑僻能全草簾疎不障花無疴常伏
枕小穴爲煎茶堪歎東陵客休官始種瓜

柳浪館

在斗堤西南城外

袁稽勳宏道別業中郎自題柳浪

館詩徧將藍瀋浸春顏風柳鬢鬢九尺鬢鶴過幾迫沉
影去僧來時復帶雲還閒疏滯葉通鄰水擬典荒居作
小山欲住維摩容得否湖亭纔得兩三閒一春博得幾
開顏欲買湖居先買閒鶴有累心猶被斥梅無高韻也
遭刪鑿窗每欲當流水詠物長如畫遠山客霧屯煙書
篋裏不知僧在那溪灣雜咏四首柳匝層層水花紛曲
曲堤古藤隨意茁熟鳥任情啼寄客詩題嶽招僧語隔
溪茭蒲分外長漸與竹欄齊偶然修竹裏新鳥一回聞
鶴下翻盆石僧歸語嶠雲縱風生水態任月織波文莫
遣鷗鳧去頻來只有君饒水饒煙地臨花臨柳居經營

成淨社穿鑿架僧廬小作番唐像閑堆農圃書主人葷
血斷鶴亦念溪魚齋閣行將近迂回又隔溪入窗中遠
水萬柳外長堤鑿曲添魚舍芟枝減鶴棲無人踐暴汝
宜近亦宜低袁小修詩鎮日無人至層溪與閉關幻雲
作佛事流水寫僧顏歸鷺千團雪長楊一派山夜深織
月落清梵出林閒過橋三五次門徑宛村莊曲水纏茅
屋深林護粉牆雨煙荷葉淨風露稻花香未可全無事
疏經也學忙

箕營谷

在柳浪館後

袁儀部中道別業中郎箕營谷七夕露

坐詩山亭漠漠冷秋煙只在懸藤古石邊眼裏何曾離

好竹耳中恰似有鳴泉稍開僻徑通斜月坐看明河憶
去年巴水正長天正潤綠楊門外有酤船

劉主事珠宅 在花栗樹港

白石山房 在長安里 袁孝廉夢溪讀書處譚友夏題曰江深

草堂

遠青閣高氏建黃山天際送青縈碧相近有致遠堂為高

重望讀書處

毛御史健宅 在刀環里

鄒宮保之有第 在舊縣署後俗稱閣老府移置新城西門

清朝

公安縣志

卷之二

營建 第宅

三十

沙市新新代印

廓園毛廓庵壽登讀書處

遜庵馬進士芝弟蘭及子侄讀書處知縣何公題曰錫類
祠

會萬軒鄒進士養赤讀書處 以上錄府縣志以下新增

毛太史業溥第 在刀環里

羅觀察宏漳府 在赴陂里 石狻猊尚存

藏書樓 在赴陂里 廩貢鄒崇泗建以藏其父廩生美中所註

書籍併古人圖書有記 詳藝文

塚墓 義塚附

墓者慕也其人不足慕何以使人思慕之而不忘塚者崇也其人無可崇何以與山之崇巖而俱永

三國

吳主權王夫人墓吳志以選入宮嘉禾中生孫休及孫和為太子和母貴重諸姬有寵者皆出諸外夫人出公安卒因葬焉休即位遣使追尊曰敬懷皇后改葬敬陵名勝志孫吳舊塚在大光村其高若阜前臨青港湖

劉璋墓

名勝志在縣西南

先主遷璋於公安盡歸其財物故

葬於是

公安縣志

卷之二

營建 塚墓

三一

沙市新新代印

隋

聖母墓

名勝志在茅穗村大賢里之西

智者禪師之母甃石為塔高丈許今

呼為聖母塔 明季

元

普參政元禮墓

在斗湖堤

東門外堤側圮入江

明

王襄簡軾墓

在牛頭村丁家湖

王祭酒恂墓

在邱家營東

鄒莊簡文盛墓

在章莊鋪

顧鼎臣撰誌銘

見藝文

張御史斌墓

在西辛里御史岡

劉主事珠墓 在白雲峪西

何方伯珊墓 在沱市南

袁太史宗道墓 在長安村荷葉山

袁稽勳宏道墓 在白湖里白鶴山

袁儀部中道墓 與兄宗道同域

侯吏部偉時墓 在板栗樹港

馬義士良墓 在谷昇里瑪瑙山

李太常守約墓 在牛浪湖雨壇岡

毛御史羽健墓 在黃茅湖和尚橋

二孝女墓 在板橋里 天啓閒鄉民女黃妙金妙銀卒葬此

公安縣志

卷之二

營建 塚墓

二二二

沙市新新代印

地 傳見列女

清朝

周知縣于文墓 在牛頭里永鎮山南

羅觀察宏漳墓 在赴陂里大門土地南首

明以前照舊縣府志錄清朝先達兆域周羅二公外各里採訪未收無從登載

附義塚

一在舊縣西關外箭道東 典史戴士閔捐置道光年間義塚碑忽現五色梅花名梅花碑

一在舊縣北關外王家橋 康熙五十九年知縣楊之駢捐置

一在舊縣北關外牌樓岡 道光十四年典史汪翰垣捐置

一在申津渡 嘉慶六年監生林芳捐置

一在趙家嘴 理問王述濤捐置

一在申津渡後 嘉慶二十一年王明遠捐置

一在同興廠西 監生龍巨源捐置

一在斑竹墻東 熊姓捐置

一在章莊鋪 道光壬辰奇荒日有塗殍監生雷俊章捐置其孫生員洪丙以毗連之地附焉

一在赴陂里胡家廠 咸豐時咸寧人祝亨壽邑監生鄒丹中募置

一白骨塔 在舊縣西關外邑諸生杜祥野捐建知縣王煥以善人須又廖解里二聖堆茅穗里蛟螂灣及長安里邑人喻華楚僧貫

休均建有塔

公安縣志

卷之二

營建

塚墓

二二三

沙市新新代印

寺觀

山厓水隈閒二氏之祠叢出蠹國耗民狄梁公所以奮然毀之而不惜也然相沿既久未便概從棄置以殿營建不使與正祀混其亦存而不論者乎

二聖寺

東晉太和二年道安慧遠一法師建寺凡數遷初在江邊即安遠舊寺也唐宋始改梅園遠公懸記一千年後有肉身菩薩改吾道

場於梅園是也洪武己卯江水崩潰徙椒園故安成劉太常宣記曰再遷於椒園之坊而寺始定嘉靖丙寅江水復溢遂移東南郭外今人以舊寺為梅園而此為椒園者誤也大雄殿毀於天順二年前此易殿造像則紹珍營其始滿空豈其終後從事拓基則應祿闢其荒靈心藻其質也二聖閣及繚垣皆靈心募造而真過堂正法樓則龔侍御仲慶合諸宰官力市僧地為之樓以藏經堂以待行脚具粥飯主人則十方衲子遞職之其隸事者為臨湘僧圓相蓋法師也寺有洲堂有田皆各隸主者宋參知政事馮楫二聖靈蹟記曰晉太和三年寶印手菩薩道安法師護法菩薩惠遠法師卓錫開基建寺於邑之濱江額曰安遠寺迄太元元年春仲一夕邑令周通夢二神叩門語之曰汝輩多為不善將

公安縣志

卷之二

營建 寺觀

一三四

沙市新新代印

陷泥塗今吾誓以西方之法安鎮是壤翼日家傳戶告萬口一辭忽聞空中語云還見吾否往昔因中乃童子身於寶蓮花藏如來前得受菩提記號曰青葉誓于婁至德如來賢劫千佛下生之數也又有語曰今西北香木二根自洞庭溯洄至此已三歲矣將有西來二鄴行者立吾一像於是縣令同諸父老訪於江濱求得之復過披褐剪髮者從容相揖縣令曰得非西來鄴行者乎曰然具語其故行者許諾借之公安為立二像揮斤之日靈光四佈非煙非雲郁郁紛紛不聞其聲七日像成清風四來靈光忽散啓戶視之遽失西來二鄴行者惟見二金剛像屹如山立精光射人莫不震悚時仲春八日也嗣是四眾皈依有禱皆應既而夏秋淫水泛濫妖物作害崩潰隴岸有司禱於二聖見於雲中現像手執寶杵金環於是水患寢息民賴以安厥後或現足跡以儆羣迷或示履痕以堅淨信或託諸夢寐或流為讖兆余按大藏經中二聖本願芬陀利經之所載驗於此矣昔遠法師預記一千年後肉身菩薩改吾道場於梅園至唐貞觀二年杭商史清者駕舟自浙而來二聖化為童子求與鼓柁商者曰二聖者力能勝吾舟耶童子曰客無慮但得夜行請客自睡至夜商者寢於舟中童子鼓舟商有從者密覘之童子現猛勇二神夾舟而飛從者報於商商亦覘之知其神也戒從者勿視莫知其舟所逝但聞草木之聲雞鳴商者起視舟在寺側不見童子商者趨見二像與夜鼓舟者無異遂感立化於寺俄而貌赤色重頰如龍眾皆驚愕沙門用麻覆身以香泥塗塑其肉像崇奉在寺一日附於童子

曰吾是婆伽羅龍王化身感二神救護眾生特來匡翊又曰百年後有一夫欲損吾軀終莫能至唐季巢寇犯境欲挽撲之力終不逮矢亦不中遂委之去額有渙汗痕種種靈通不可盡述迄我皇宋列聖御宇以來佛神聖顯尤加昭灼遂以其寺為薦嚴之所屢褒賜封額太平興國元年賜額興化禪寺天聖二年改為萬壽禪寺崇寧四年勅加天寧萬壽禪寺紹興七年改為報恩光孝禪寺景泰五年勅加青葉髻王為精進如來婁至德為妙果如來初封安伽羅龍王化身黃衣使者為忠烈侯又勅佐感應判官為助順侯易額二聖禪寺今年孟秋四日夜余以王事之西蜀舟經公安江上忽然海冥風濤大作舟人莫能措手足舟幾覆沒忽聞空中語云爾等勿怖吾當救護語畢舟竟到岸屹曉視之正在寺側余乃知佛神之靈也於是秉香詣寺謁謝索其靈跡住持卓翁遂出本授余仍請更增益之余感佛神救護之惠故並其前靈蹟樂為之記其餘異跡甚多見別條寺舊有辟支佛牙及有宋諸勅趙子昂十八羅漢卷元書金字法華經而羅漢為當事者取送故相家後不知散失何處又有羅漢十一軸皆名筆而失其四寺僧不知惜今久蠹朽有唐鑄釋家及二聖像精妙古明長不盈尺今俱失寺頽壞灰如禪僧令徒攬拾遺材重建大袁宗道二聖寺遊記詳藝文非故時宏麗矣舊志

谷昇寺

東晉太和五手智公和尚建道光中僧德智重修公安二十二寺首一聖谷昇居二舊有十八羅漢及水陸像皆名筆相傳於古樹

公安縣志

卷之二

營建 寺觀

二三五

沙市新新代印

中得之蓋兵亂時所藏也今失方伯龔大器憶谷昇寺詩憶昔尋春古寺邊而今楊柳隔

晴煙上方鐘磬自朝夕客路琴書空歲年松月夜聞華鶴語隴雲長伴老僧眠幾時得遂青山約醉傍梅花草太元

太陽寺

在東村里唐以前建宋紹興中重修今圯杜甫留別公安太易作陽沙門詩見藝文

靈化寺

在茅穗里圯

天崇寺

在刀環里宋景德中僧無能建明初僧紹彬重修茶毘時有青舍利今嵌塑像之額尚存里人重修

毛壽登遊

天崇寺詩野寺依族黨累世相因託聚謔恆於斯杯盤不待約松閒白鳥驚窗下棋聲落兒誦喧虛無經壇反寂寞牛犁分港共田器寄簷各老僧俗姓同百年等今

作亂離獲生全不忍遠行屨敘述吾祖先聲容尚可學
自笑三十載驅馳雙鬢掠早失以晚悟歸與赴前諾

淨居寺

宋紹興中僧法興建一云智慧僧建明時周氏重修兵燹無存清朝順治間鄭姓重建

中臺寺

周氏續修

清靜寺

道光乙巳僧戒登募修監生范厚榜建以上俱在刀環里

報本寺

隋智者禪師奉勅建宋元豐中重修精舍五楹中殿柱礎似錢盒叩之有聲其梁似創葉卷成里人取木屑以療心疾道光時圯今

復修建

江陽寺

在茅穗里圯

龍泉寺

在新市圯

北觀音寺

宋元豐中建

公安縣志

卷之二

營建

寺觀

二六

沙市新新代印

普光寺

元大德中建今圯以上俱在茅穗里

牛頭寺

舊志石柱有龍乘風雲騰去相傳地有龍池

芝田寺

圯二寺俱在牛頭里

天甯寺

東晉太和二年遠勤二僧建康熙庚申年荆宜施道鄧廷羅南征過此捐屯田六十畝

法華寺

隨時建諸生鄭名重修袁中郎墓在其側子特邱公附焉

清溪寺

嘉慶戊寅知縣盛廉建右接縣治南卡以上俱在白湖里

雷寨寺

在谷昇里李家灣上

椒園寺

在市鎮里東嶽觀西

梅園寺

在斗堤南門外亦屬市鎮里

清化寺

在上灌洋高家墻東交江陵界今僅存遺址僧依堤結茅庵居之

進士陳文燦詩依堤起

化宇蘇化石牆斑地僻何人到僧歸古殿閒浮雲陰野
甸驟雨漲江灣寂寂上方處幽深常閉關

飛化寺 在馮家壩西岸

普濟寺

明之三仙宮乾隆時廢址已墾為田道光己亥大水
流一女神至此里人於堤土建寺以上俱在板橋里

齊居寺

在舊縣陵城宋嘉
定中僧寅公建

樂善寺

在黃金口小河東宋端平
中僧惟鑑建前有龍淵

大光寺

里人周道重修以
上俱在大光里

南觀音寺

在瓜渚里宋宣和中榮安和
尚建東西二廠舊有二橋

郡廩生黃永松橫木成

林詩來自山巔與水涯橫陳樹樹掩平沙春深每借苔
為葉冬至還將雪作花縱使斷根埋碧草應多高節映

公安縣志

卷之二

營建 寺觀

三十七

沙市新新代印

紅霞雕梁畫棟終須汝大庇千家與萬家

華嚴寺

在東河
嶺北

南禪寺

在西辛里宋紹興
中傅霞上人建

神臺寺

舊名廣福山有井
七口名七星伴月

諸天寺

在大歲岡袁中郎改名佛田寺
有重修募修碑刻落荆杞中

邑諸生杜必清宿諸天寺

詩地僻禪關靜鐘聲夜泊船心猿空半偈色相證諸天
挂錫雲生壁繙經鉢咒蓮木樨松外馥移榻伴松眠

道光壬辰生員
田家奠等重修

天光寺

在走馬堤後坵

古城寺

晉唐遺蹟康熙時重修石額
聖壽山北以上俱在西辛里

金古寺

法海寺

元至正中僧法海建節婦袁萬比重建一寺俱在廖解里

白果寺

宋紹興中僧正秀建圮

章田寺

宋時婺婦王氏建

大車寺

宋宣和中僧遠建清朝康熙時重修

淨土寺

舊為紅巾賊所毀以上俱在魯陂里

大德寺

宋景定中僧月溪建舉人尚重望貢生袁世維重修

龍門寺

宋乾道中建藏有仙佛貴蹟相傳谷和尚成仙處圮

利濟寺

宋唱祐中森上人建在長安村

義堂寺

宋紹興中僧慈潤建元至正間鐘載岳武穆征楊公還祭陣亡將士故寺以名袁宏道義堂寺詩

公安縣志

卷之二

營建 寺觀

三八

沙市新新代印

枳林之南烏泥北中有靈芳大士國一迦陵引百鵬雛
怒飛皆作垂天翼無香不出幽曇林有水皆涵玻璃色
飛丹流碧徧邨廬卽今佛宮長荆棘銀杏熟果墮佛髻
滿月無光粉虫蝕龍池蛙積藏輪傾寶閣薨欹走彌勒
誰能過此不欵獻篚箱有緡田有稻趁時且撒買窗錢
波波城中眼雙墨

雙田寺

唐荆元時遠法師建龔仲元子姪讀書處

袁宏道雙田寺詩雙田開山自李

唐虛焰摧為瓦礫場芟茅誅杞作雲堂鏡水不波菱芡
香蘆菽花飛滿寺霜刻株為佛如人長支辟羅漢儼成
行頸腮不辨臂怒張腰弓臂曲包沮藏皴皮皺面苔蘚

裝黃面老子面不黃雪山行苦骨羸尫爰有大心檀越
王銅山金埒珠倉箱入門回顧淚沱滂融高冶液告四
方三十二相亦何常稽首誰家無橐囊東邨西舍皆蓮
鄉以上俱在長安里

報慈寺

在特邱里唐特勅建開山說法者為藏嶼禪師龍牙弟子也宋元祐中住持僧道寯里修元延祐間住持僧蓋庵奉勅重建宏廟莊

嚴於時柵最明季兵燹僅存圓通一殿寺僧毀作禾場每於中用牛碾稻粃毀皆碎清朝順治十五年舉人尚重望等延灰如和尚駐錫興復

期年中法堂禪關次第具舉後灰如圓寂其弟子樹可雪幹募修大雄殿守備李泗指修藏經閣老僧嘯石別修應院精舍皆極壯麗舊有常

住田若干頃皆住持與外護合力贖回於既矢之後者拉段著落載檀林文華毛壽登避兵湖中過訪

報慈寺詩乘閒訪老宿意象不無神梵誦魚龍度威儀
虎豹馴接機摻小艇避難託羣身獨放桃花色莊嚴劫

公安縣志

卷之二

營建 寺觀

三九

沙市新新代印

外春巖首昇灰如禪師塔銘

見藝文

王璩修葺大佛殿募

疏見雜記

惠果寺

在特邱里宋紹興中僧賴祥建

龍溪寺

在赴陂里宋紹興中僧明庵建宏治中鄉廉修廉司徒父也

白泉寺

在赴陂里卷几山麓

太平觀

原在舊縣明末遷舊城東關內後改武廟久圮

長生觀

一在北關外一在牛頭里宋宣和中道士石法言建

東昇福觀

在茅穗里宋紹興中建

西昇福觀

紹興中道士龍青全建

紫霄觀

宋慶元中道士楊復庵建

洞尊觀宋信祐中道士景公建明成化時道士張道乾拓之俱在瓜渚里

崇真觀在大光里宋寶應中道士竺二公建

東嶽觀在西羊里宋元祐中建康熙時道會張得俊重修

南嶽觀舊在斗湖堤明正統中楊大銘建邑人李德明重修後移於邱家營北

福星觀在平樂里宋宣和中道士王大建

廣德觀在廖解里縣地平衍至此始起岡巒曰右子岡宋紹興中道士王紹建嗣後道士何元靖及村民吳實續修

刻木觀在魯波里宋景定中月溪道人建其中有刻木若媪像者相傳其地有古楓樹一道人遠來每夕徘徊其下呼其母樹輒應聲

遂伐木刻像肖之後人神其事為立觀或云即丁蘭明天啓時龔世煜重修觀中大鼓徑二尺許蓋木槿木所刻也

崇元觀在魯波里舊志宋景定中道士楊如真建觀中洪鐘一口文云創始於東晉復興於宋景定二年明季兵燹蕩然無存清朝道

士陳紫垣移建越十一代道士劉道純遷還舊址門首有古楓香樹二株高十餘丈大數圍葉作二瘡子大如卵爆乾燒之可辟疫氣

公安縣志

卷之二

營建 寺觀

四十

沙市新新代印

悟真觀在魯波里宋咸信中道士邵月潭建

玉虛觀在赴波里道士張守玉建

白馬觀在特邱里舊有梧桐樹合抱明季萎今又三尺圍矣

玉清觀在長安村北

烏龍觀在谷昇里

洞神觀宋信祐中道士舒守庸建

三清觀在谷昇里咸豐時大水有長生觀二清神像漂泊至此里人建此觀

白雲觀宋景定中道士王德真建以上俱在谷昇里 恩貢侯家光有詩云琳宮簇簇

倚山隈暮鼓晨鐘次第催笑煞神仙忙不住白雲飛去

復飛來

佑聖觀

香靈觀 俱在刀環里

古城隍廟 在斗湖堤

古關帝廟 在斗湖堤明崇禎時舉人戴名世建置田百餘畝清朝乾隆聞世曾孫魯章重修道光聞章曾孫一村補修圯止存正殿

謝相廟 在舊縣西關外以地遠見黃山謝麟塚故名

晏公廟 舊在外洲後遷中穴港改為東嶽觀

塔崗廟 在谷昇里明末建道光丁未里人重修 歲貢沈賜鈞詩蕭寺何年傍古驛

收剔殘碑無片石相傳真武自西來曾於此地卓雙錫

又傳明有進士公自言家住洱海東維時張李氛正惡

滇黔蜀道梗未通祝髮寺內棄桑梓題額西崑走筆鋒

公安縣志

卷之二

營建 寺觀

四一

沙市新新代印

高僧因緣結香火廟貌因之愈穹窿二百年來風和雨
殿宇荒涼啼鼯鼠居士擲取黃金瓢轉眼丹堊復舊觀
吁嗟乎我不佞佛佛亦得恰有禪機向佛說自來禪語
比水傾惟有因緣理最澈安知目前衆蘭陀非即當年
舊檀越我作蓮社客讀書近十年既無坡公玉帶贈佛
印又無白傅詩集藏佛龕只合捉筆題句溯緣起留此
飛鴻指瓜一參西來禪

金雞廟 在西辛里初名五王廟乾隆時建

馬慈廟 在西辛里左有白鶴觀右有蓮花庵今存大殿

殷家廟 在西辛里舊有市今廢

黑神廟

在赴波里文家橋北道光二年里有爭界連訟者迎城內黑神判其曲直立廟祀之同治五年遷橋南按黑神唐張巡也城內舊有

廟今

邑廩生鄒美中詩荒祠落日枕山阿猶憶當年獨

奮戈千古美人悲夜月四郊戎馬渡黃河功爭郭李威
名遠力障江淮戰蹟多風捲靈旗成幻相丹青姓字浪
傳謔

江瀆廟

五王廟

俱在魯陂里

得功廟

在谷昇里一名昆廬庵明世宗邵太皇后病里人喻其珍業歧黃召珍診治愈上賜以爵不受詔封得功真人

白鶴廟

在白湖里創自明季相傳其地有白鶴二隻浮水面近視即無居民募善泐者撈之獲銅鑄神像二即其地立廟祀之越日忽飛洪鐘一口大數十圍並置廟中廟額白鶴留踪四字

公安縣志

卷之二

營建 寺觀

四二一

沙市新新代印

高廟

一名迴龍庵在孟家溪南

仙女廟

一在大光里一在油浪湖相傳為白鶴仙娘遺跡

法官廟

在谷昇里雨田岡相傳里有文九公者禱雨輒應近地居人塑像立石至奉之又長安里有真官廟明劉益建廟前雨壇岡即禱雨

處與此相類

五顯廟

在特邱里

如來庵

在舊城縣署西

白衣庵

在東村里上殿稽勳袁宏道建下殿戶部尚書鄒文盛建祀常供田三石五斗銅佛三止存其一移供舊城觀音閣

藍衣庵

在東村里久祀

淨慈庵

在長安里祀

吉祥庵

在港口河東邑諸生袁夢虞子祥生敦忠姪廩生敦思建

湯右曾詩暑光漸退晚涼

天羽扇絺衣就夜禪修竹徧栽鄰徑後清江橫遶寺門
前無儕沙鳥應知我重刻山雲不計年一室優曇花是
否盆中草木總悠然

迴龍庵

在白湖里舉人汪佑誥建旁有古鑑禪師塔

觀音庵

在廖解里諸生袁財彥建

二聖庵

在二聖洲大二聖發蹟顯神處

法華庵

在斗湖堤後始於舉人王承先居士李承芳僧真惠成於袁中郎小修僧圓相黃太史澹題曰精進林

青蓮庵

一在斗湖堤西南袁宗道安道建麻城顯宗和尚山僧智雲重修一在屬陵城

荷葉庵

在荷葉山後一名珊瑚庵三袁先生建久圯

古佛庵

初名生生庵臬副王遂改題邑諸生袁財孫建子貢生昌麟重修僧雲眉住持

公安縣志

卷之二

營建 寺觀

四三

沙市新新代印

板橋庵

在斗堤原有庵田並義塚

百子庵

在斗堤圯

古蘇庵

在谷昇里蘇家渡南岸明萬歷初陳伯凱建茅後長子舉人鼎中重修易以瓦捐田一石五斗小堰一明末燬於火康熙甲戌重修

圯

白雲庵

即古閣山在谷昇里原在黃牛嶺明永樂時夏汎有神像泊此蓋銚鑄也里人奇之為建廟舊庵前有桂樹一株若華蓋人折之輒

病

道鎮庵

在谷昇里陳姓建

淨業庵

在谷昇里御史龔仲慶建

淨土庵

在谷昇里近嵐台龔仲敏墓其生時所立以住修行僧真源者

三益庵

在谷昇里高家嘴

廣慈庵 在西關外

青龍庵 在特邱里

太平庵 在白湖里

龍興庵 在特邱里龍溪山廿召循遺址順治乙酉循禦賊死父榮吾痛其無子為建祠置田給僧奉祀道光己亥生員甘湘浦重修

善慶庵 在魯陂里

天福庵 在魯陂里

奉先庵 在魯陂里邑人何耀宗建

地藏庵 在大一里屬陵街

三元宮 在祝家岡舊縣東關外

東嶽宮 在舊縣城隍廟東北舊有田今撥入文昌宮

公安縣志

卷之二

營建 寺觀

四四

沙市新新代印

佑聖宮 在舊縣北關內

顯聖宮 在窰頭埠

永鎮宮 在茅穗里新市乾隆時里人建

準提閣 在舊城內

霜林庵 在茅穗里

萬壽閣 在東關外即舊地藏庵僧惠江周孝改建知縣沈寅題額為祝釐之地久

觀音閣 原在城東北隅因水圯舊考棚尙存一進移像供奉同治癸酉復圯於水今移新城

玉虛閣 在白湖里章莊鋪塘汎北有常住田四石八斗道光時廩生汪光世全族姓重修

永鎮禪林 在舊城北關外十里

三福寺 在新城捕廳後原古蘇庵高叫廟道光壬辰大水二廟侵塌神主借供福護庵復毀於水貢生袁勤瑜捐田二斗與眾姓捐費建寺

此於

吳家廟 在新城南門外

盈安寺 在港關

公安縣志

卷之二

營建 寺觀

四五

沙市新代印